

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Petit traité](#)[Collection](#)[Édition : 1538 - Petit traité - Sertenas](#)[Item](#)[\[1538_Petittraicté_Sertenas\]](#) 012 Cœur trop plus dur que n'est marbre ou enclume

[1538_Petittraicté_Sertenas] 012 Cœur trop plus dur que n'est marbre ou enclume

Présentation générale du poème

Titre de la pièceAultre Epistre.

Incipit non moderniséCœur trop plus dur que n'est marbre ou enclume

Les pages

En passant la souris sur une vignette, le titre de l'image apparaît.

3 Fichier(s)

Présentation de l'exemplaire

Formatin-8

Imprimeur-libraireSertenas, Vincent

Date1538

Lien vers la notice du catalogue de la bibliothèque où est conservé

l'exemplaire<https://catalogue.bnf.fr/ark:/12148/cb33533883q>

Type de numérisationNumérisation totale

Emplacement du poème

Rang dans le recueiln° 012

Mention située à la fin du poèmeFIN.

FoliotationC4r, C4v, C5r

Présentation typo-iconographiquePas d'illustration

Informations sur la notice

Contributeur(s)Saignol, Côme

ÉditeurÉquipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Côme Saignol](#) Notice créée le 24/10/2017 Dernière modification le

04/11/2021

Aultre Epistre.

C Veur trop plus dur que nest marbre ou
enclume
Plain de rigueur confict en amertume
O cueur dacier, O fille sans pitie
Qui nas esgard a la vraye amytie
Au bon vouloir & grand affection
Que iay vers toy sans nulle fiction
Las quant premier ie viz ton beau visaige
Ton oeil si doux & ton si gent corsaige
Ie ne pensoys que soubz tant grand beaulte
Peust habiter rigueur ne cruaulte
Mais ie congnois & voy bien par effect
Que tu es rude en pensee & en faict
Iay par tes faictz rigoureux apperceu
Que grandement alors ie fuz deceu
Car veu lennuy & peine si tresdure
Veule travail que pour tayer iendure
Et ne pense estre vng cueur tant endurcy
Qui de moy neust pitoyable mercy
Et neantmoins [o cueur trop rigoureux]
Tu nas pitie du tien poure amoureux
Tu nas pitie de celluy qui souuent

C iiii

Cest mis en voye a la pluye & au vent
Pour taller veoir, las veu que tant es belle
Ton vouloir est trop rude & trop rebelle
Si tu hayois celluy qui te voudroit
Estre ennemy, ce seroit pour le droit
Mais ton amy le doibz tu pas aymer
Veue que pour toy seuffre goust tant amer
Que ferois tu a vng tien ennemy
Puis que si fort tu blesses ton amy
Veulx tu ma mort, las te prend il enuye
De briefuement faire finer ma vie
Tu te decoys, car quant fauldra que meure
Iay vng esprit qui apres moy demeure
Lequel sans fin pour de toy me vengier
Se monstrera & se viendra rengier
Deuant tes yeulx, lors combien que rigueur
Soit sans pitie logee dedans toñ cueur
Tu auras dueil & douleur sentiras
Dainsi le veoir, & te repentiras
Quauant que mort me vint prendre & saisir
Ne mas ayme pendant quauoys loysir
Adonc lesperit fera sans ayde dame
Ce que mon corps garny de vie & dame
Nauoit peu faire, & seras trop marrie

Que au temps passe nauras este mamye
Pource mamour ie te prie de pencer
A te vouloir haster & aduancer
Pour de mes maulx me venir secourir
Ou briefueiment tu me verras mourir.

F I N.

Aultre Epistre

Vis que le iour de mon depart arriue

P Cest bien raison que ma main vous es-
cripue

Ce cue ne puis vous dire sans destresse
Cest assauoir, or a dieu ma maistresse
Doncques a dieu ma maistresse & mamye
Iusques au iour qui ne me pourroit mye
Estre assez brief, toutesfoys ce pendant
Il vous plaira garder vng cueur ardant
Que ie vous laisse au partir pour hostaige
Ne demandant pour luy aultre aduantaige
Fors que vueillez cõtre tous ceulx deffendre
Qui par desir vouldroient sa place prendre
Sil a mal faiet quil en soit hors iecte
Sil est loyal, quil y soit bien tr'icte
Que pleust a dieu que dedans puissiez lire